

Ilinniartitsisussanik ilinniartitsineq siammartitaq pillugu Namminersornerullutik Oqartussat nalunaarutaat

Meeqqat atuarfianni ilinniartitsisussanik ilinniartitsineq pillugu Inatsisartut peqqussutaanni nr. 2-mi 2. maj 1996-imeersumi § 10, imm. 2, §14, imm. 5 aamma § 16, Inatsisartut peqqussutaatigut nr. 2-kkut 31. maj 2001-imeersukkut allannguuteqartinneqartut tunngavigalugit aalajangersarneqarpoq:

Kapitali 1.

Ilinniarnernup imaa

Ilinniarnernup aaqqissuussaanera

§ 1. Ilinniarneq ukiunik sisamanik affarmillu sivilissusiligaavoq semesterinilu qulingiluani ingerlanneqartassalluni.

Imm. 2. Ukiut ilinniarnersut siullit marluk affarlu Kalaallit Nunaanni meeqqat atuarfianni timelæreritut sulinertut, aammalu nammeneq ilinniarnertut, ataatsimoorussilluni ingerlassaqar-fittut, pikkorissarfitsigut kiisalu suliffimmik misiliinikkut aaqqissuunneqarpoq.

Imm. 3. Ukiut marluk affarlu ilinniarnernup kingornatigut ilinniartoq ilinniartitsisussanik ilinniartitsinermi katersuutsitami ilinniakkani nangissanerlugit aalajangersinnaavoq.

Imm. 4. Ukioq ilinniarnik kingulleq ilinniartitsinermi katersuutsitami ingerlanneqassaaq.

§ 2. Atuartitsissutini annerusumik sammisassanik (liniefag), atuartitsissutini toqqagassanik aammalu atuartitsissutini neqeroorutigineqarsinnaasunik pilersitsinissami piumasarineqarpoq ilinniartut ikinnerpaamik tallimat nalunaarsimanissaat, taamaattoorli immikkut pisoqartillugu rektorip tamanna immikkut akuersissutigisinnaavaa.

Ilinniarnermi ilinniagassat aaqqissuussaanerat

§ 3. Rektorip ilinniagassat aaqqissuunnerata minnerpaamik makkuninnga imaqartussap suliarinissaa qulakkiissavaa

1) atuartitsissutit ataasiakkaat, pikkorissarnerit, ullut suliffimmik misiliivissat, naammassiniagaqarluni suliaat kiisalu allattariarsorluni suliaat tunniutassat, nalunaarusiat immikkullu sammisat (speciale) imassaannik soraarummeertussartaannullu ilitsersuutini kiisalu tamakkua ilinniarnernup ingerlanerani qanoq inissinneqarnerinik,

2) soraarummeernermi allattariarsorluni suliat, nalunaarusiat immikkullu sammisat tunniunneqartarnissaat pillugu maleruagassanik, tamatumunnga ilanngullugu ilinniartut ataasiakkaarlutik suleqatigiikkuutaarlutilluunniit tunniussisassanersut,

- 3) ilinniarnernup ingerlanerani misilitsittarnissat allaaserinerannik kiisalu tamakkua ilinniarnernup ingerlanerani qanoq inissinneqarnerinik,
 - 4) misilitsinnerit qanoq iluseqartarnerisa allaaserinerannik,
 - 5) takussutissamik misilitsinnerni suni karakteriliisoqartarneranut, aamma misilitsinnerni suni naliliisoqartarnerisq "angusivoq", "angusinngilaq", imaluunniit "akuerineqarpoq" "akuerineqanngilaq" atorlugit naliliisoqartarnerisq,
 - 6) "angusivoq"/"angusinngilaq" aamma "akuerineqarpoq"/"akuerineqanngilaq" atorlugit nali-liinerni pissutaasunut ilaasartunik, ilanngullugit tamakkuninnga naliliissagaanni piumasaqaatit erseqqinnerusut,
 - 7) iliuutsit suut suliffimmi misiliinermik naliliinissami suliffimmi misiliiffusumut ingerlasussat erseqqissarnerat.
 - 8) napparsimalluni soraarummeertarnissaat misilitsiqqittarnissaallu pillugit maleruagassanik
 - 9) atuaqatigiit ilinniartut nalunaarsimasut qassiuineri tunngavigalugit avinneqartarnissaat kattunneqartarnissaallu pillugit maleruagassanik, aamma
 - 10) ilinniakkanik aallussinermut malittarisassat, kiisalu ilinniagaqartut ilinniagaqarfinit atuarunnaarsinneqartarnissaannut piumasaqaatit
- Imm. 2.* Ilinniarnernup aaqqissuunnera ilinniartitaanermut Pisortaqaqfimmitt akuersissutigineqassaaq.
- Imm. 3.* Ilinniarnernup aaqqissuunnera ilinniartitaanermut Pisortaqaqfimmitt akuersissutigineqassaaq.
- Imm. 4.* Ilinniagassat aaqqissuussaannerat taakkualu allannguutaat pingaarnerusut ukiup ilinniartitsissutit atortuulertassapput.

Qulliuernerusumut ingerlaqqinneq aamma ilinniarnermik unitsitamik nangitseqqinneq

§ 4. Semesterip tullianut ingerlaqqinnissaq taamaallaat pisinnaavoq ilinniakkanik aallussineq rektorimit akuerineqarsimappat.

Imm. 2. Ukiup aappaanut ingerlaqqissagaanni piumasarineqarportaaq misilitsinnermi, pin-ngortitanut tunngasunut mernguarnartunullu "angusivoq" naliliunneqarsimappat, tak. § 40, imm. 1, nr. 3 aamma nr. 6.

Imm. 3. Suliffimmik misiliinerit angusiffigineqarsimassapput ilinniagaqartoq ilinniarnernup sinnerani peqataasinnaassapput, tak. § 44.

Kapitali 2.

Atuartitsissutit aaqqissuussaannerat

§ 5. Atuartitsissutini pinngitsoorani ilinniartariaqartuni fagini ataasiakkaani nal. ak. atuartitsiviusut imatut agguataarneqarput:

- | | |
|--|--------------------|
| 1) Atuartitsissutit perorsaanermut tunngasut, immikkut sammisaq ilanngullugu | nal. ak. atu. 560. |
| 2) Kalaallit oqaasii, ataatsimoorussassaq | nal. ak. atu. 280. |
| 3) Pinngortitalerinnermut tunngasut | nal. ak. atu. 56. |
| 4) Ilinniartitsissutit paasissutissiiviusut | nal. ak. atu. 224. |
| 5) Kristumiussuseq | nal. ak. atu. 56. |
| 6) Mernguarnartut I | nal. ak. atu. 112. |

Imm. 2. Atuartitsissutit toqqagassat danskit oqaasii, tuluit oqaasii aamma kisitsineq /matematik

neqeroorutigineqassapput atuartsissutini tamani nal. ak. atuartsiviusut 224-nngorlugit. Atuartsissutit toqqagassat ilusilersuineq, illumi suliassat, assassorneq/ammerineq, timersorneq, erinarsorneq/nipilersorneq aamma qisunnik sananeq neqeroorutigineqassapput atuartsissutini tamani nal. ak. atuartsiviusut immikkut 168-inngorlugit. Atuartsissut toqqagassaq fysik/kemii neqeroorutigineqassaaq nal. ak. atuartsiviusut 112-inngorlugit.

Imm. 3. Atuartsissutit annerusumik sammisassat neqeroorutigineqassapput atuartsissutini tamani nal. ak. atuartsiviusut immikkut 280-inngorlugit.

Imm. 4. Atuartsissutit neqeroorutigineqarsinnaasut neqeroorutigineqassapput atuartsissutini tamani nal. ak. atuartsiviusut immikkut 56-inngorlugit.

Imm. 5. Semesterini tallimani siullerni atuarfimmil suliffimmik misiliineq aaqqissuunneqassaaq semesterini tamani nal. ak. atuartsiviusut katillugit 40-nngorlugit sapaatit akunnerisa arfineq-pingasut ingerlaneranni sap. akunneranut katillugit nal. ak. atuartsiviusut tallimanngorlugit. Semesterit arfernanni arfineq-aappaannilu atuarfimmil suliffimmik misiliineq aaqqissuunneqassaaq semesterini tamani nal. ak. atuartsiviusut 30-nngorlugit, sap. akunnerisa arfinillit ingerlaneranni sap. akunneranut nal. ak. atuartsiviusut tallimanngorlugit. Ilinniartup qitiusumik ilinniartitaanermi ilinniarnini nangeqqikkuniuk, tak. § 1, imm. 3-4, piffissat suliffimmik misiliiffusut ilinniartitsissusannik ilinniartitsineq katersuutsitaq pillugu nalunaarut naapertorlugu aaqqissuunneqassapput.

Imm. 6. Timelæreritut sulinnermi ukiumut atuarfusumut ataatsimut akunnerit namminersuutigalugu atuartsiviusussat 320 - 480-iupput.

Imm. 7. Nal. ak. atuartsiviusoq ataaseq tassaavoq minutsini 45-ni atuartsivik.

Imm. 8. Naalakkersuisut misiliinnermut atatillugu aalajangerput atuartsissutit pinngortitalerinnermut tunngasut atuartsissutissatut pinngitsoorani ilinniartariaqartutut inissinneqassasut aammalu timersorneq kiisalu fysik/kemilu atuartsissutissatut toqqagassatut inissinneqassasut, tak. Meeqqat atuarfianni ilinniartitsissusannik ilinniartitsineq pillugu Inatsisartut peqqussutaanni § 17.

Imm. 9. Ilinniartitaanermut Pisortaqarfik immikkut pisoqartillugu imm. 1-6-imi aalajangersakkanit immikkut akuersissuteqarsinnaavoq.

§ 6. Ilinniartitsissut toqqagassaq aamma ilinniartitsissut annerusumik sammisassaq taakkuninnga atuartsilernissaq sioqqullugu ilinniartumit toqqarneqassapput. Atuartsissutiniq allanngortitsisoqassappat tamanna pissaaq atuartsinerup aallartinnerata kingornagut kingusinnerpaamik sap. akunneri sisamat qaangiutsinnagit.

Imm. 2. Atuartsissutit neqeroorutigineqarsinnaasut atuartsissutiniq taakkuninnga atuartsinissat aallartinnissat sioqqullugu toqqarneqassapput.

§ 7. Rektorip, immikkut pisoqartillugu, ilinniartoq atuartsissutini § 5-imi taaneqartuni ataatsimi arlalinniluunniit atuartaanngitsoortissinnaavaa.

§ 8. Atuartsissutiniq annerusumik sammisassannik kalaallit oqaasiinik, danskit oqaasiinik, tuluit oqaasiinik, kisitsinnermik/matematikimik aamma fysik/kemimik ilinniartussatut tiguneqarnissamut piumasarineqarpoq atuartsissutini taaneqartuni kingullermik atuarfigisami semesterit tallimaanni minnerpaamik 6-imik karakteereqarsimanissaq.

Kapitali 3.

Atuartsissutit ataasiakkaat siunertaat

Atuartitsissutit pinngitsoorani ilinniartariaqartut

§ 9. Atuartitsissutit perorsaanermut/ilinniartitsinermit tunngasut siunertaraat ilinniartut atuartitsissummik suliaqarnerminni inuttut ineriartornerannik siuarsaanissaq, ilinniartullu ilisimasaqalernissaat aamma paasisimasaqarnerujartorlutillu piginnaangoriartornerunissaat:

- 1) perorsaanermi/ilinniartitsinermit tarnillu pissusiinik ilisimaqqaagassanik (teorier) atuinissamut,
- 2) ilinniartitsisutut sulinermit, sulinermit atugarisanik aamma ilinniarnep ingerlanerani avataanilu periarfissanik paasiniaannissamut nalilersuisarnissamullu,
- 3) ilaqutariinnermit, atuarfimmil inuiaqatigiinnilu pissutsit allanngorneranni meeqqanik inuusuttunillu atuartitsinermit allaaserinninnissamut, pilersaarusiortarnissamut, aaqqissuisarnissamut aamma nalilersuisarnissamut,
- 4) ilinniartitaaneq perorsaanerlu pillugit apeqqutinut tunngavilimmik isummertarnissamut,
- 5) atuartumut atuaqatigiinnullu siunertalimmik ilitersuisarnissamut,
- 6) atuaqatigiinnik, suleqatinik, angajoqqaanik, atuarfimmik isumaginninnermilu oqartussaasunik suleqateqartarnissamut aamma
- 7) perorsaanermik, atuartitsinermit ilinniartitaanermillu ineriartortitsinermit nutaanngorsaanermullu ikiuunnissamut.

Imm. 2. Ukiut ilinniartusut naggataanni perorsaanikkut immikkut sammisamik ilinniagaqartut suliaqartinneqassapput. Immikkut sammisakkut tassuuna siunertarineqarpoq ilinniagaqartut immikkut sammisamik namminersorlutik suliaqarnertik aqqutigalugu ilinniartitaanerup perorsaanikkut, tarnip pissusiinut inooqatigiinnermullu tunngasutigut imarisai pillugit itinerusumik paasisimasaqalernissaat, atuartitsinermit sulinermilu periaatsinut suliamillu misiliinermit ataqatigiissaagaasumik.

§ 10. Kalaallit oqaasiinik ataatsimoorutassanik meeqqat atuarfanni ilinniartitsinermit siunertaavoq ilinniartut ilinniarnep ingerlanerani pinngitsoorani peqataaffigisassami atuartitsinissamut pikkorissarnissaat makkununga pisinnaalernermikkut:

- 1) Saqqummiisinaanermik allaatiginnittarnermillu sungiusarnikkut atuartitsissummik ilinniartitsinermit periaatsinut allanngorartunut.
- 2) Oqaasertanik allanngorartunik paasiniaasarnikkut misissuinikkullu allanneqaqqaarfinik nutsikkanillu paasinninnissamut.
- 3) Atuakkatigut oqaatsinillu atuinermut sungiusarnikkut oqaatsit qanoq katitigaallutillu atorpeqartarnerannik ilisimasaqarlualernermut.
- 4) Oqaatsinik ilisimasaqalernissamut taamalu paasisaqarnissamut atuartitsissutip atuarfimmil inuiaqatigiinnilu immikkut ittumik inissisimaneranut.
- 5) Atuartitsissutip ilitsoqqussaralugu oqaatsit allallu oqaasii atorlugit ilinniartitsinissamut pisinnaassuseqalernermut.
- 6) Atuartitsissummik ilinniartitsinermit iluaqusersuutinik ilisimasaqalernermut.
- 7) Atuartitsissutip atuartitsissutiginerani periaasissanik paasisimasaqalernermut.

§ 11. Atuartitsissutinik pinngortitalerinermit tunngasunik ilinniartitsinermit siunertaavoq ilinniartut uumasulerinermit, nunalerutinik, fysikimik kemiimillu tunngaveqartumik ilinniartitaanikkut:

- 1) Pinngortitamut nalinginnaasumik paasinninnissamut ilisimasatigut pikkorissutsikkullu tunngavissaqalersinniarnissaat.
- 2) Pinngortitaq pillugu isummanik assigiinngitsunik paasisimasaqalersinniarnissaat.

3) Pinngortitami uumasumi uumaatsumilu nukiit, allanngoriartortarnerit, sananeqaatit nunarsuullu ukiup ingerlanerani allanngorarnerisa imminnut ataqatigiinnerannik paasisimasaqalersinnissaat.

4) Pisuussutit, teknikip, nioqqutissiornerup avatangiisillu, tamakkununga ilanngullugit soqutigisat assigiinngitsut pinngortitap inuiaqatigiillu ineriartornerannut atasut, imminnut ataqatigiinnerannik paasisimasaqalersinnissaat.

5) Pinngortitamik laboratoriani atuartsissutit periaasiinik ikiutissaannillu atuinnikkut misissuinnermut pikkorissarnissaat.

§ 12. Atuartsissutini paasissutissiiviusuni siunertarineqarpoq ilinniartut uumassusilerinnermik, nunalerutini, nalerput pillugu ilisimasassanik nassuiaannermik oqaluttuarisaanermillu tunngaveqartumik ilinniartitaanikkut meeqqat atuarfianni ilinniarnep ingerlanerani pinngit-soorani peqataaffigisassami atuartsinissamut pikkorissarnissaat

1) Pinngortitanut, innut tunngasunut aamma inuiaqatigiinnut tunngasutigut oqaluuserisassatut toqqakkat oqaluuserineqartarnissaanni atuarsimanikkut tunngavissaqalernissamut piginnaanngornissamullu.

2) Atuartsissutini tamakkununga atuartsissutinillu allanik atuartsinnermi atortussanut tamakkualu qanoq atornissaannut.

3) Atuartsissutini aalajangersimasuni atuartsinnermi periaatsinik paasisimasaqalernissamut atuartsinnerullu aqqissuunnissaanut ingerlanneqarneranullu tunngavissaqarlualernissamut.

§ 13. Kristumiussutimik atuartsissummi siunertarineqarpoq ilinniartut meeqqat atuarfianni atuarnerup ingerlanerani pinngitsoorani peqataaffigisassami atuartsinissamut pikkorissarnissaat:

1) Testamentitoqqamut pingartumillu Testamentitaamut tunngasunik oqaluuserisassatut toq-qakkat oqaluuserineqartarnissaanni atuarsimanikkut tunngavissaqalernissamut piginnaan-ngornissamullu.

2) Atuartsissutit taakkua immiut ilisarlissitsinnaanerannik paasinninnissamut kiisalu atuartsissutit taakkua kulturikkut inuiaqatigiinnermullu pingarutaannik ilisimasaqalernissamut.

3) Atuartsissutit atuartsissutiginnissaanut atortussanik atuartsissutiginneranilu periaatsinik kiisalu atuartsissutinut tunngasutigut periaaseqarnikkullu ilisimalluagassanik ilisimasaqalernissamut.

§ 14. Mernguernartut I-imik atuartsissummi siunertarineqarpoq ilinniartut ilusilersuinnermik, timersornermik, nipilersornermik, assassornermik aamma/imaluunniit qisunnik sananermik suliaqarneq aallaavigalugit

1) Kusanartuliornermut tunngasunik paasisimasaqalernissaat.

2) Meeqqat atuarfianni atuartsissutini allanik atuartsinnermi suleriaatsinik pilersitsissutaasinnaasunik atuinnissamut pikkorissunngornissaat.

3) Isiginnaagassianik (pissanganarsakkanik) suliaqartarnissamut tunngavissaqalersinnissaat.

4) Ilinniarnermi ingerlatassat ilaattut assassornikkut eqqumiitsuliornikkullu suliaqarsinnaanermut meeqqap pisariaqartitaanik paasisimasaqalersinnissaat.

Atuartsissutit qinigassat

§ 15. Danskit oqaasiinik atuartsissummi siunertarineqarpoq ilinniartut ilinniarnep ingerlanerani meeqqat atuarfianni pinngitsoorani peqataaffigisassami atuartsinissamut pikkorissarnissaat makkununga:

1) Danskit oqaasiinik oqalunnermi allannermilu atornerqartunik paasinnilluarsinnaalernissamut namminnerlu oqaatsinik taakkununga ajunngitsumik oqalussinnaalernissaannut

allassinnaalernissaannullu.

2) Danskit oqaasiinik kiisalu danskisut naqitanik naqitaanngitsunillu oqaasilerisinnaalernissamut naliliisinnaalernissamullu.

3) Atuartitsissutip suleriaasiinut ilinniagassartaasigut atuartitsissutigeriarnissaannilu eqqarsaatigilluagassartaanut paasisimasaqalernissamut.

§ 16. Tuluít oqaasiinik atuartitsissummi siunertarineqarpoq ilinniartut ilinniarnernup ingerlanerani meeqqat atuarfianni pinngitsoorani peqataaffigisassami atuartitsinissamut pikkorissarnissaat makkununga:

1) Tuluít oqaasiinik oqalunnermi allannermilu atorineqartunik paasinnilluarsinnaalernissamut namminnerlu oqaatsinik taakkuninnga ajunngitsumik oqalussinnaalernissaannut allassinnaalernissaannullu.

2) Tuluít oqaasiinik kiisalu tuluttut naqitanik naqitaanngitsunillu oqaasilerisinnaalernissamut naliliisinnaalernissamullu.

3) Nunarsuarmi tuluít oqaasiinik atuiffiusuni piorsarsimassutsimut inuiaqatigiillu inuunerannut tunngasunik ilisimasaqalernissamut.

4) Atuartitsissutip ikiuutaanik, suleriaasiinik atuartitsissutigeriarnissaanilu eqqarsaatigilluagassartaannik pigiliussilluarnissamut.

§ 17. Kisitsineq/matematikkimik atuartitsissummi siunertarineqarpoq ilinniartut ilinniarnernup ingerlanerani meeqqat atuarfianni pinngitsoorani peqataaffigisassami atuartitsinissamut pikkorissarnissaat:

1) Atuartitsissutip tunngaviusumik taamaattuusorisaaernerinik (teorier), suussusiinik suleriaasiinillu paasisimasaqalernikkut.

2) Matematikkimik ilinniarnermi isummanik assigiinngitsunik matematikkimillu ilisimasassanik pigiliussinissaq pillugu isummanik ilisimasaqalernikkut.

3) Atuartitsissutip imaasa, suleriaatsit suussutsillu matematikkimut tunngasut tapersersoqatigiittarnerannik nalilersuilluarsinnaalernikkut.

4) Atuartitsissutip atuartitsissutiginnissaanut atortussanik tamakkulu atorlugit atuartitsinermi periaatsinik ilisimasaqalernikkut.

§ 18. Ilusilersuinerinik atuartitsissummi siunertarineqarpoq ilinniartut, ilinniarnernup ingerlanerani pinngitsoorani peqataaffigisassami meeqqat atuarfianni atuartitsinissaq siunertaralugu, aamma atuartitsissutip atuarfimmi suliat nalinginnaasut suliarineqarneranni atornissaa eqqarsaatigalugit, makkuninnga ilikkartinnissaat:

1) Ilinniagassat assigiinngitsut pillugit tunngaviusumik ilisimasassanik.

2) Atuartitsinissamut pilersaarusiornermik, atuartitsinermik ingerlatsinermik nalilersuinerinillu.

3) Marlunnik pingasunillu sammivilinnik ilusilersuisinnaanermik aammalu ilusilersuinerinik piginnaasarilikkat oqaatiginiakkatut nalunaarutitullu atorineqarsinnaanernik.

4) Atuartitsissutip atuarfimmi perorsaarnermut tunngatillugu periarfissaanik.

§ 19. Illumi suliaassanik atuartitsissummi siunertarineqarpoq ilinniartut makkuninnga ilikkartinnissaat:

1) Atuartitsinissamut pilersaarusiornermik, atuartitsinermik ingerlatsinermik nalilersuinerinillu.

2) Atuartitsissutip sammisassartaasa iluanni suliaassanik suliarinnissinnaanermik tunngavissaasutigullu ilisimasassanik.

3) Nerisassat inuussutissaqarluartut eqqiluisaarluarnerullu pingaassusiinik paasinninnermik.

4) Atuartitsissutip perorsaarnermut tunngasutigut periarfissaanik.

§ 20. Assassornermik/ammerinermik atuartitsissummi siunertarineqarpoq ilinniartut makkuninnga ilikkartinnissaat:

- 1) Suliassanik suliarinnissinnaalernermik aamma ilinniagassat assigiinngitsut pillugit tunngaviusumik ilisimasassanik.
- 2) Atuartitsinissamut pilersarusiornermik, atuartitsinermik ingerlatsinermik nalilersuinermillu.
- 3) Atuartitsissutip perorsaanermut tunngasutigut periarfissaanik.

§ 21. Timersornermik atuartitsissummi siunertarineqarpoq ilinniartut makkuninnga ilikkartinnissaat:

- 1) Atuartut timikkut, anersaakkut inooqataassutsikkullu ineriartornissaat pingaartillugu suliniutinik suliarinnissinnaalernermik aamma tunngavissaasutigut ilisimasassanik.
- 2) Atuartitsissutip perorsaataasinnaaneranik atuartitsissummilu suleriaasissanik kiisalu timersornermik atuartitsissutip atuartitsissutiginnissaanut pilersarusiornermik, atuartitsinermik ingerlatsinermik nalilersuinermillu.
- 3) Atuartitsissutip atuarfimmi inuiaqatigiinnilu sulissutigeqqinnissaanut soqutiginninnermik kajumissuseqarnissamillu, tamakkulu aqqutigalugit atuartunik timersornermut soqutiginnittuaannartunngortitsiniarnissamik.

§ 22. Erinarsornermik/nipilersornermik atuartitsissummi siunertarineqarpoq ilinniartut erinarsorneq nipilersuutinillu atuineq aqqutigalugit makkuninnga ilikkarnissaat:

- 1) Nipilersornermut tunngasutigut paasisimasassanik.
- 2) Tunngavissaasutigut teknikimullu tunngasutigut ilisimasassanik.
- 3) Atuartitsissutip atuartitsissutigerani periaasissanik.

§ 23. Qisunnik sananermik atuartitsissummi siunertarineqarpoq ilinniartut makkuninnga ilikkarnissaat:

- 1) Assassorluni sulinermi suleriaatsinik, aamma misilittagaqalernissaat kiisalu nutaanik pilersitsisinaanerminnik sananermullu pisinnaassutsiminnik ineriartortitsisinaanermik.
- 2) Suleriaatsitigut ilinniartitsinermilu ilisimasassanik.
- 3) Assassorluni sulinermik nuannarisaqarnermik.
- 4) Nammineersinnaanermik misileraasarnikkullu paasiniaasarnermik.

Atuartitsissutit annerusumik sammisassat

§ 24. Kalaallit oqaasiinik atuartitsissummi siunertarineqarpoq ilinniartut:

- 1) Atassuteqaqatigiittarnermut tunngasutigut suliaqarsinnaalernissaat.
- 2) Kalaallit oqaasii atorlugit suliaqarsinnaalernissaat.
- 3) Sulinermi kalaallisut atuakkianik atuisinnaalernissaat..
- 4) Allanit ikiorneqarnatik oqalullutik allallutillu oqaatiginiakkaminnik oqaatiginnilluarsinnaalernissaat.
- 5) Inuit oqaasiinik atuakkiaannillu ilisimasaqalersinnissaat.
- 6) Atuartitsissutip atuartitsissutigerani periaasissanik paasisimasaqalernissaat, tamatumunnga ilanngullugu allamiut oqaasiinik ilisimasaqalernissaat, taamaallutik atuartitsissummik atuartitsisinnaleqqullugit ilinniarnep ingerlanera tamakkerlugu.

§ 25. Danskit oqaasiinik atuartitsissummi siunertarineqarpoq ilinniartut:

- 1) Atassuteqaqatigiittarnerit assigiinngitsut ilusaannik namminneerlutik suliarinnissinnaalerlutillu nalilersuisinnaalernissaat.
- 2) Atuartitsissutip kultureqarnermut inooqatigiinnermullu tunngasut ataqatigiinneranni inissisimaneranik paasinninnissaat.

- 3) Allanit ikiorneqaratik oqalullutik allallutillu oqaatiginiakkaminnik oqaatiginnilluarsinnaalernissaat.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik ilinniartut atuartitsissummik atuartitsisinnaaleqqullugit ilinniarnep ingerlanera tamakkerlugu.

§ 26. Tuluq oqaasiinik atuartitsissummi siunertarineqarpoq ilinniartut:

- 1) Sammisassat assigiinngitsut iluanni atassuteqaqatigiittarnerit assigiinngitsut ilusiinik namminneerlutik paasiniaaqqissaarsinnaalerlutillu nalilersuisinnaalernissaat.
- 2) Oqalullutik allallutillu oqaatiginiakkaminnik oqaatiginnilluarsinnaalernissaat.
- 3) Tuluttut oqaluttartut kulturianni pingaarutilinnut assigiinngitsunut ilisimasaqalernissaat.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik atuartitsissummik atuartitsisinnaaleqqullugit meeqqat atuarfianni klassini tamani.

§ 27. Kisitsinermik/matematikimik atuartitsissummi siunertarineqarpoq ilinniartut:

- 1) Matematikimut tunngasutigut ilisimasariaqartunik pingaarnernik aamma matematikkip perorsaannermut/ilinniartitsinermut tunngasortaanik ima annertutigisumik paasisimasaqalernissaat, ilisimasariaqartut tamakku imminnut tapersersoqatigiilersillugit imminnullu paasinarsaaqatigiilersillugit. Sammisassanik suleriaasissanillu qinersineq tunngaveqartinneqassaaq meeqqat atuarfianni atuartitsissummik taassuminnga atuartitsinermik atuartitsissutillu taassuma oqallisigineqartarneranik.
- 2) Atuartitsissutip aqqissuussaananik eqqarsarsinnaassutsimillu atuinissamik ilisimasaqalersinnissaat.
- 3) Matematikimik paasisimasaqalernissamut matematikimillu paasinnittarnernik assigiinngitsunik ilisimasaqalernissaat, tamatumunnga ilanngullugu matematikimi paasisimasariallit imaasa suliarineqartarnerisalu tapersersoqatigiittarnerat pillugu apeqqutini nammin-neerlutik paasiniaaqqissaarsinnaalernissaat isummerfiginnittarsinnaalernissaallu.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik ilinniartut regningimik/matematikimik atuartitsisinnaaleqqullugit ilinniarnep ingerlanerani tamarmi.

§ 28. Fysik/kemimik atuartitsissummi siunertarineqarpoq ilinniartut:

- 1) Sammineqarsinnaasunik immikkut toqqakkanik, inuiaqatigiinnermut ullutsinni pingaaruteqartunik paasisimasaqalernissaat.
- 2) Fysikimi kemimilu tunngaviusumik isummiussanik, paasisimasarialinnik suleriaatsinillu paasisimasaqalernissaat.
- 3) Misileraalluni sulisinnaanngornissaat sulianillu nalilersuisinnaanngornissaat, kiisalu tamakkuninnga suliaqarnermi isumannaallisaanermut avatangiisinullu tunngasutigut ajornartorsiutaasartunik ilisimasaqalernissaat.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik atuartitsissummik taassuminnga atuartitsisinnaaleqqullugit ilinniarnep ingerlanerani tamarmi.

§ 29. Nunalerutini atuartitsissummi siunertarineqarpoq ilinniartut:

- 1) Nunap sananeqaataanut tunngasunik ilisimasaqarnissaat kiisalu ilinniagassanik nunanut aamma inuit taakkualu suliarisartagaannut tunngasunik, inuit nunarsuup ilaani assigiinngitsuniittut atugarisaannik paasiniaalluarnerusalernissamut tunngavissaqalersitsisussanik, nunat assigiinngitsut atassuteqaqatigiittarnerannut kiisalu pisuussutit, nioqqutissiornerup avatangiisillu nunani ataasiakkaani nunanilu assigiinngitsorpassuarni imminnut ataqatigiinnerannut tunngasunik paasisimasaqalernissaat.
- 2) Atuartitsissutip qangaaniilli nunanik allanik ilisimasaqalissutissatut inuiaqatigiillu akornanni paaseqatigiissutaalissutissatut atortuuneranik nalinginnaasumillu ilisimasaqalissutaasinnaaneranik paasisimasaqalernissaat.

3) Atuartitsissummi najoqqutassaqaqfinnik sanileriissitsisarnikkut avatangiisinillu inunnit pilersitaanngitsunik aamma kulturip pilersitaanik misissuisarnikkut paasiniaalluarsinnaalernissaat nunanik assigiinngitsunik tamakkunanilu ajornartorsiutaalersartunik.

4) Atuartitsissutip atuartitsissutiginerani periaasissanik paasisimasaqalernissaat.

§ 30. Uumassusilerinermik atuartitsissummi siunertarineqarpoq ilinniartut:

1) Sammineqarsinnaasunik immikkut toqqakkanik ullumikkut pingaaruteqartunik paasisimasaqalernissaat.

2) Uumassusilerinermi isummiussanik, paasisimasarialinnik suleriaatsinillu paasisimasaqalernissaat.

3) Misileraalluni sulisinnaanngornissaat sulianillu nalilersuisinnaanngornissaat, kiisalu tamakkuninnga suliaqarnermi isumannaallisaanermut avatangiisinullu tunngasutigut ajornartorsiutaalersartunik ilisimasaqalernissaat.

4) Atuartitsissutip atuartitsissutiginerani periaasissanik paasisimasaqalernissaat, taamaalillutik atuartitsissummik taassuminnga atuartitsisinnaaleqqullugit ilinniarnep ingerlanerani ta-marmi.

§ 31. Oqaluttuarisaanermik atuartitsissummi siunertarineqarpoq ilinniartut:

1) Oqaluttuarisaanermik atuartitsissutillu taassuma immikkut issusianik ilisimasaqalerlutillu paasisaqarnissaat atuartitsissutillu atuartitsissutiginerani suleriaatsinik paasisimasaqalernissaat.

2) Ukiut ullullu, inuiaat nunallu assigiinngitsut, inuiaqatigiinni pissutsit kulturimullu tunngasut pillugit assigiinngitsunik arlalinnik Kalaallit Nunaanni pissutsit pingaarnerutillugit suliaqartarnikkut ilisimasaqalerlutik paasinninnissaat.

3) Oqaluttuarisaanermi allaaserineqartut pillugit apersuilluarsinnaalernissaat tunngaveqartumillu akissutunik isumasisinnaalernissaat.

4) Atuartitsissutip atuartitsissutiginerani periaasissanik paasisimasaqalernissaat.

§ 32. Atuartitsissummi inuiaqatigiilerinermi siunertarineqarpoq ilinniartut:

1) Inuiaqatigiinni kalaallini inuiaqatigiinnilu allani inooqatigiinnermut, aningaasarsiornermut naalakkersuinermullu tunngasunik paasisimasaqalernissaat kiisalu paasiniaasarnissaat ta-makkununnga tunuliaqutaasunik.

2) Ilisimasaqalernissaat inuiaqatigiinni pissutsinik, tamakkununnga ilanngullugit nunatsinni nunanilu allani naalakkersuinikkut periaatsinik aqqissuussaanernillu, taamaalillutik soqutigisat isummallu tunuliaqutaasut tunngavigalugit inuiaqatigiinni oqallinnermik paasiniaaqqissaarsinnaaleqqullugit nalilersuisarsinnaaleqqullugillu.

3) Sammisamut ilisimatuutut isummiussanikkut ajornartorsiutaalersartunut aalajangersimasumik ilisimatuutut isummiussanik tunngavissaqalernissaat.

4) Atuartitsissutip atuartitsissutiginerani periaasissanik paasisimasaqalernissaat.

§ 33. Upperisarsiornermik atuartitsissummi siunertarineqarpoq ilinniartut:

1) Kristumiussutsimik kiisalu upperisarsiornermik inuunermillu paasinneriaatsinik allanik ilinniarnikkut atuartitsissutip kultureqarnermi qangarsuarli isumaasartuni assigiinngitsuni inissisimaneramik paasinninnissaat.

2) Atuartitsissutip periaasiinik atuilluarsinnaalernissaat naliliisinnaallualernissaallu kiisalu ilinniartitsissutiginiisaani eqqarsaatigilluagassanik suliaqarluarsinnaalernissaat.

3) Atuartitsissutip perorsaanikkut periarfissarisaanik atugassarisaanillu paasinninnissaat, taa-maalillutik ilinniartut kristumiussutsimut tunngasuni ilisimasassanik atuartitsisinnaaleqqullugit ilinniarnep ingerlanerani tamarmi.

Atuartitsissutit neqeroorutigineqarsinnaasut

§ 34. Atuartitsissutit neqeroorutigineqarsinnaasunik ilinniartitsinnermi siunertarinearpoq sammisassani immikkut ittuni itisilerisinnaalersitsinissaq, ilaatigullu atuartitsissutit atuartitsissutigisaviit avataanniittunik suliaqarsinnaanissaq.

Imm. 2. Atuartitsissummik neqeroorutigineqarsinnaasumik atuartitsilersinnani atuartitsissummi siunertarisassat imassallu nassuiarneqaqqaassapput.

Suliffimmik misiliineq

§ 35. Atuartitsinnermik misiliinerup siunertaraa ilinniartut:

- 1) Ilinniartitsisup suliarisartagaanik tamanik paasisimasaqalernissaat, taamaalillutik atuartut, angajoqqaat atuarfimmilu sulisut allat peqatigalugit Kalaallit Nunaanni meeqqat atuarfini tamani atuartitsinnermik assigiinngisitaartumik ingerlatsisinnaaleqqullugit.
- 2) Ilinniartitsisup suliaasaanik ullut tamaasa nalliuttartunik allanngorartartunillu alaatsinaassinnaanermik, paasiniaaqqissaartarnermik paasisaminillu isummerfiginnittarnissamut sungiusarneqarnissaat.
- 3) Pissusiviusut tunngavigalugit atuartitsinnermik taamatullu ilinniartitsisup suliaasaanik allanik aaqquussisinnaalerlutillu, ingerlatsisinnaalerlutillu nalilersuisinnaalernissaat kisimiillutik aammalu allanik suleqateqarlutik.

Kapitali 4.

Ilinniarnermi misilitsinnerit

Ilinniarnermi misilitsinnerit siunertaat

§ 36. Ilinniarnermi misilitsinnerit siunertaraat paasiinassallugu ilinniartup pikkoriffigisai meeqqat atuarfianni ilinniartitsisussanik ilinniartitsineq pillugu Inatsisartut peqqussutaanni, nalunaarummi uani aamma ilinniarnerup aaqquusunnerani il.il. aalajangersakkanut naapertuunnersut. Misilitsinnerni angusineq tunngaviliisuusaaq inaarummik soraarummeernerup allagartaata suliarineqarnissaanut.

Ilinniarfimmeersumik avataaneersumillu naliliiffigineqartunik misilitsinnerit nassuiagaanerit

§ 37. Misilitsinnerit ilinniarfimmeersumik avataaneersumillu naliliiffigineqartarput.

Imm. 2. Ilinniarfimmeersumik nalileeqateqarnerit tassaapput misilitsinnerit nalilerneqartut soraarummeersitsisumit ataatsimit imaluunniit soraarummeersitsisunit arlalinnit.

Imm. 3. Avataaneersumik nalileeqateqarnerit tassaapput misilitsinnerit nalilerneqartut soraarummeersitsisumit imaluunniit soraarummeersitsisunit aamma nalileeqataasartumit ataatsimit arlalinnilluunniit Ilinniartitaanermut Pisortaqarfimmiit toqqagaasunit.

Allattariarsorluni soraarummeernerit avataaniit nalileeqataaffigineqartartut

§ 38. Allattariarsorluni misilitsissutissat avataaniit nalileeqataaffigineqartartut Ilinniartitaanermut Pisortaqarfimmiit suliarineqartassapput.

Imm. 2. Misilitsinnerit soraarummeertunut tamanut assigiissapput.

Imm. 3. Soraarummeerutissatut siunnersuutit, tamakkununga ilanngullugit ikiutissatut akuerisassat, soraarummeerutissaliortoqatigiinnit suliarineqartassapput. Soraarummeerutissaliortoqatigiit tamarmik

Ilinniartitaanermut Pisortaqaarfimmiit tamakkuninnga suliaqartussanngortinneqartassapput ukiut pingasukkuutaarlugit.

Imm. 4. Misilitsinnerit nakkutilliisoqartassaaq.

Imm. 5. Ilinniarnernup ingerlanera naammassippat ilinniartup akissutimi imminut tunniunneqarnissaat piumasarisinnaavaa.

Oqaluttariarsorluni misilitsinnerit avataaniit nalileeqataaffigineqartartut

§ 39. Soraarummeersitsinermit apersuineq ingerlanneqassaaq ilinniartitsisumit imaluunniit ilinniartitsisunit atuartitsissummi atuartitsisusimasumit/atuartitsisusimasunit. Apersuineq sapinngisamik soraarummeersitsisumik soraarummeertumillu oqaloqatigiissitsiniarnerussaaq nalileeqataasussap peqataaffigisinnaasaanik. Allaatigisat ilinniartup atuartitsissummik soraarummeerutissamik suliaqartarsimaneranut uppernarsaataasunut amerlanerulissutaasinnaasut soraarummeertumut apersuinermit ilanngunneqarsinnaapput.

Imm. 2. Soraarummeernermi apeqquutit soraarummeertunut makitsissutigittinneqartassapput. Ilinniagaqartup misilitsinnginnermini toqqarsimasaa allagarlu pingaarnersiugaq ilinniartitsisumit akuerineqarsimasooq aallavigalugu apeqquuteqartoqarsinnaavoq. Soraarummeertussat allaatigisimasaasa arlaat sammineqassappat taanna aammattaaq apersuinermit tunngaviussaaq.

Imm. 3. Nalileeqataasooq soraarummeernermilu soraarummeersitsisooq karakteriliinissami kisimiissapput. Soraarummeertoq karakteriliinerup kingornagut karakteriliunneqartumut pissutaasumik naatsumik oqaatsit atorlugit ilisimatinneqarsinnaavoq.

Imm. 4. Ilinniartoq piareersarfissaqartitaappat, piareersarnera nakkutigineqassaaq.

Imm. 5. Oqaluttarissanik misilitsinnerit tamanut ammapput.

Misilitsinnerit naliliinerillu

§ 40. Atuartitsissutit §§ 9-14 naapertorlugit pinngitsoorani ilinniartariaqartut misilitsinnerit naliliinerillu makku imaraat:

- 1) Atuartitsissutit perorsaanermut/atuartitsinermit tunngasut: Semesterit arfineq aappassaat naggaserneqassaaq oqaluttariarsorluni avataaneersumik nalileeqataaffigineqartumik misilitsinnermik, aallaaveqartumik allallugu nalunaarusiamik. Oqaluttuarinninneq allaaseralugulu nalunaarusiaq ataatsimut nalilerneqassapput, ataatsimullu karakteriliisoqassalluni. Ukiut ilinniartitsisut naggataanni oqaluttariarsornermik avataaneersumik naliliiffigineqartumik misiliisoqassaaq, aallaaveqartumik perorsaanermut tunngasumik immikkut sammisamik, ataatsimullu karakteriliisoqassalluni.
- 2) Kalaallit oqaasiinik atuartitsissut ataatsimoorussassaaq: Atuartitsissut naggataarneqassaaq oqaluttariarsorluni avataaneersumik nalileeqataaffigineqartumik misilitsinnermik aamma allattariarsorluni avataaneersumik nalileeqataaffigineqartumik misilitsinnermik. Misilitsinnerit tamarmik assigiimmik oqimaalutarneqartassapput, ataatsimullu karakteriliisoqassalluni.
- 3) Atuartitsissut pinngortitalerinermit tunngasooq: Atuartitsissutit inaarneqarnerani nalilerneqassaaq "angusivoq" imaluunniit "angusinngilaq" atorlugit, ilinniartup suliai aamma atuartitsissummik ilinniartitsinermit periaatsinik iliuuserisartakkanillu paasisimasai tunngavigalugit naliliisoqarluni.
- 4) Atuartitsissut paasisutissiiviusooq: Atuartitsissutit inaarneqarnerani angusimasanut karakteriliisoqassaaq ilinniartup suliai, ilisimaqqaagassanik ilisimasai aamma atuartitsissummik ilinniartitsinermit periaatsinik iliuuserisartakkanillu paasisimasai kiisalu suliassanut ataasiakkaanut

naliliinera tunngavigalugit.

5) Kristumiussuseq: Atuartitsissutip inaarneqarnerani nalilernerqartassaaq "akuerineqarpoq" imaluunniit "akuerineqangilaq" atorlugit. Naliliineq ilinniartup eqqarsaatikkuinnaq ilisimasaanik kiisalu suliaasanut ataasiakkaanut naliliinera tunngavigalugu pisassaaq.

6) Mernguernartut I: Atuartitsissutip inaarneqarnerani misilitsinneq nalilernerqassaaq "angusivoq" imaluunniit "angusingilaq" atorlugit. Naliliineq ilinniartup kisimiilluni suleriaatsinik atorluaanerani ataatsimoorussaqaqarnermilu peqataassuseqaqarneranik tunngavilimmik ingerlanneqartassaaq.

Imm. 2. Ilinniartitaanermut Pisortaqaarfik immikkut pisoqartillugu imaluunniit ilinniartitaanerup ineriartortinneqarneranut ilassutitut imm. 1-imi aalajangersakkanit immikkut akuersissuteqarsinnaavoq.

§ 41. Atuartitsissutit §§ 15-23 naapertorlugit qinigassat misilitsinnerit naliliinerillu makku imaraat:

1) Danskit oqaasii aamma kisitsineq/matematik: Atuartitsissutit tamarmik naggaserneqassapput avataaneersumik nalileeataaffigineqartumik misilitsinnermik. Misilitsinneq oqaluttariarsornerullunilu allattariarsorneruvoq, nalilernerqassallunilu ataatsimut karakterimik.

2) Tuluit oqaasii: Atuartitsissut taanna naggaserneqassaaq avataaneersumik nalileeataaffigineqartumik misilitsinnermik ataatsimik marlunnilluunniit, atuartitsissullu tamatigut oqaluttariarsornermik naggaserneqartussanngorlugu aqqissuunneqartassalluni.

3) Ilusilersuineq aamma assassorneq/ammerineq: Atuartitsissutit tamarmik naggataarnerini angusimasanut karakteriliisoqassaaq ilinniartup suliaani, ilisimaqqaagassanik ilisimasaanik aamma atuartitseriaatsinik atuartitsissutigineranilu ilikkartitseriaatsinik ilisimasaanik naliliineq tunngavigalugu.

4) Timersorneq, erinarsorneq/nipilersorneq qisunnillu sananeq: Atuartitsissutit tamarmik naggataarnerini angusimasanut karakteriliisoqassaaq ilinniartup pikkorissusianik, ilisimaqqaagassanik ilisimasaanik aamma atuartitseriaatsinik atuartitsissutigineranilu ilikkartitseriaatsinik ilisimasaanik naliliineq tunngavigalugu.

5) Illumi suliaasat: Atuartitsissutit naggataarnerani angusimasanut karakteriliisoqassaaq ilin-niartup nalunaarusiaanik, pikkorissusianik aammalu atuartitseriaatsinik atuartitsissutigineranilu ilikkartitseriaatsinik ilisimasaanik naliliineq tunngavigalugu.

Imm. 2. Ilinniartitaanermut Pisortaqaarfik immikkut pisoqartillugu imaluunniit ilinniartitaanerup ineriartortinneqarneranut ilassutitut imm. 1-imi aalajangersakkanit immikkut akuersissuteqarsinnaavoq.

§ 42. Atuartitsissutit §§ 24-33 naapertorlugit annerusumik sammisassat misilitsinnerit naliliinerillu makku imaraat:

1) Kalaallit, danskit tuluilu oqaasii aamma kisitsineq/matematik: Atuartitsissutit tamarmik naggaserneqassapput avataaneersumik nalileeataaffigineqartumik misilitsinnermik. Misilitsinneq oqaluttariarsornerullunilu allattariarsorneruvoq, nalilernerqassallunilu ataatsimut karakterimik. Oqaluttariarsornermi misilitsissutaassapput apeqqutit, ilaatigut sammisamiittut ilaatigullu allaaseralugu nalunaarusiamiittut.

2) Fysik/kemii: Atuartitsissut naggaserneqassaaq fysikimi avataaneersumik nalileeataaffigineqartumik oqaluttariarsorluni misilitsinnermik aamma kemii avataaneersumik nalileeataaffigineqartumik oqaluttariarsorluni misilitsinnermik. Misilitsinnerit assigiimmik oqimaalutarneqassapput nalilernerqassallutillu ataatsimut karakterimik.

3) Nunalerutit, uumassusilerineq, oqaluttuarisaaneq, inuiaqatigiilerineq upperisarsiornerlu:

Atuartitsissutit tamarmik naggaserneqassapput avataaneersumik nalileeataaffigineqartumik oqaluttariarsorluni misilitsinnermik. Misilitsissutaassapput apeqqutit, ilaatigut sammisamiittut ilaatigullu

allaaseralugu nalunaarusiamiittut.

Imm. 2. Ilinniartitaanermut Pisorta qarfik immikkut pisoqartillugu imaluunniit ilinniartitaanerup ineriartortinneqarneranut ilassutitut imm. 1-imi aalajangersakkanit immikkut akuersissuteqarsinnaavoq.

§ 43. Ilinniartup tapiutitut pikkorissarnermi atuartsissummilu neqeroorutigineqarsinnaasumi peqataanera nalilernerqassaaq "akuerineqarpoq" imaluunniit "akuerineqanngilaq" atorlugit.

§ 44. Piffissat suliamik misiliiviusut tamarmik ilinniartup nalilernerqarneranik naggaserneqartassapput. Naliliineq suliffimmik misiliiffimmit Ilinniarfissuarmut tunniunneqartassaaq. Piffissanik suliffimmik misiliiffiusunit ataasiakkaanit suliffimmik misiliivimmit naliliineq tunuliaqutaralugu rektori ataatsimut "angusivoq" imaluunniit "angusinngilaq" atorlugu naliliisassaaq.

Ilinniarnermi misilitsinnerni peqataajumanermik nalunaarnej piumasarineqartullu

§ 45. Ilinniarnermi pinngitsoorani ingerlassimasassami nalunaarnej pisarpoq ilinniarnissamut tiguneqarsimaneq tunngavigalugu.

Imm. 2. Atuartsissutini toqqagassani, atuartsissutini annerusumik sammisassani aamma atuartsissutini neqeroorutigineqarsinnaasuni nalunaarnej pisarpoq atuartsissutinut taakkununga tiguneqarsimaneq tunngavigalugu.

§ 46. Ilinniakkanik aallussineq nalunaarsorneqassaaq atuartsinermi aamma suliamik tunniussaqarnermi peqataanertut, rektorimillu akuerineqaqqaassalluni ilinniartuq atuartsissutini ataasiakkaani misilitsinnerni peqataasinnaalertinnagu.

Misilitseqqinniarneq

§ 47. Ilinniartuq atuartsissutini 6 inorlugu karaktereqarfigisamini misilitseqqinniartarsinnaavoq.

Imm. 2. Ilinniartuq atuartsissummi taannaasumi marloriaannarluni misilitseqqinniartarsinnaavoq.

Imm. 3. Misilitseqqinniarnerp ilinniartuq pisinnaatissavaa atuartsissummi misilitsinnissami tullermi peqataanissaanut. Semesterit qulingiluaanni naggataarutaasumik misilitsinnissami misilitseqqinniarnerp ilinniartuq pisinnaatissavaa ukiumi tassani augustimi misilitsinnissami peqataanissaanut.

Imm. 4. Ilinniartuq atuartsissummi taannaasumi ataasiaannarani naggataarutaasumik misilitsissimappat karakteri angusaasoq annerpaaq atortuussaaq.

Imm. 5. Ilinniartup suliffimmik misiliinermini angusinngitsoortutut naliliivigineqartup ilinniarnerp ingerlanera tamaat piffissaq suliffimmik misiliiffusoq ataasiaannarluni uteqqissinnaavaa.

Imm. 6. Ilinniartitaanermut Pisorta qarfik immikkut pisoqartillugu imm. 1-2-mi aammalu imm. 5-imi aalajangersakkanit immikkut akuersissuteqarsinnaavoq.

§ 48. Ilinniartunut nappaammik imaluunniit taamatut atuannginermik uppersaateqartumik imaluunniit nakorsamit allagarserneqartumik pissuteqarlutik misilitsissimanngitsunut immikkut ittumik misiliisoqartassaaq, tamanna Ilinniartitaanermut Pisorta qarfiup aalajangersimappagu, taamaattorli misiliineq taanna atuartsissummi tassani tullianik misiliisoqalerpat kingusinnerpaamik pisussanngorlugu.

§ 49. Ilinniartuq misilitsinnissamut takkutinngippat, peqataannginnissanilu ilisimatitsissutigisimanngippagu misilitsinneq angusiffunngitsutut isigineqassaaq, aamma tak. § 48.

Soraarummeerutissat soraarummeernermilu apeqqutit

§ 50. Soraarummeerutissaq tassaavoq soraarummeerut ilinniartut atuartsissutini ataasiakkaani misilitsinneranni apersuinissamut tunngaviusussaq. Soraarummeerutissaq ilinniartitsisup imaluunniit

ilinniartitsisut atuartitsissummik soraarummeerutissamik atuartitsisimasup/atuartitsisimasut ilinniartooq oqaloqatigeqqaarlugu toqqassavaa/toqqassavaat.

Imm. 2. Soraarummeernermi apeqqutissat tassaapput apeqqutit apersuinnermut tunngavigissat. Soraarummeernermi apeqqutissat suliarineqassapput ilinniartitsisumit imaluunniit ilinniartitsisunit atuartitsissummik soraarummeerutissamik atuartitsisimasumit/atuartitsisimasunit.

Imm. 3. Soraarummeernermi soraarummeertussap allattariarsorluni suliaasa ilaannik apersuisoqassappat, allaaseralugu suliaq taanna apersuinnermi aamma tunngavigineqassaaq.

§ 51. Soraarummeerutissaq soraarummeernermilu apeqqutissat nalileeataasussamut akue- ritinniarlugit saqqummiunneqassapput kingusinnerpaamik misilitsinnissat/misilitsinnissaq sap. ak. sisamanik sioqqullugu.

Imm. 2. Soraarummeerutissanut apeqqutissanullu oqaaseqaatit nassiunneqassapput taakku tigunerinit ullut arfineq-marluk qaangiutsinnagit. Ullut taakku naaneranni ilinniarfissuaq oqaaseqaatinik tigusaqarsimanngippat soraarummeerutissat soraarummeernermilu apeqqutissat nalileeataasussamut akuerineqarsimasutut isigineqassapput.

Imm. 3. Soraarummeertussap suliaa apersuinissamut tunngaviusussaappat, tak. § 50, imm. 3, taanna misissoqqullugu nalileeataasussamut nassiunneqassaaq kingusinnerpaamik misilitsinnissaq sap. ak. sisamanik sioqqullugu.

Nalileeataasartussat

§ 52. Nalileeataasussat ilinniartitaanermut Pisorta qarfiimmit toqqarneqassapput. Nalileeataasartussat peqataasassapput atuartitsissutini tamani, avataaneersumik nalileeataaffigineqartumik misilitsiffigineqartuni.

§ 53. Nalileeataasartut nakkutigissavaat

- 1) ilinniarnermi misilitsinnerni, aamma allattariarsorluni suliani, piumasarisat siunertanut peqqussummi, nalunaarutini aamma ilinniarnernup aqqissuunnerani aalajangerneqartunut naapertuunnersut,
- 2) misilitsinnerit malittarisassat atuuttut naapertorlugit ingerlanneqartarnissaat aamma
- 3) ilinniartut assigiiartumik eqqortumillu pineqarnissaat, aamma suliaasa tutsuiginartumik nalilerneqarnissaat karakteriliisarneq kiisalu allatut naliliisarneq pillugit nalunaarut naapertorlugu.

Misilitsinnerni pissusissaanngitsunik iliornerit

§ 54. Rektori ilinniarnermi misilitsinnerit tamakku pillugit maleruagassat aalajangersarneqartut naapertorlugit ingerlanneqarnissaannut akisussaavoq.

Imm. 2. Misilitsinnerit ingerlanneqarneranni pissusissaanngitsumik iliornerit erniinnarluinnaq ilinniartitaanermut Pisorta qarfiimmut nalunaarutigineqartassapput.

Imm. 3. Ilinniartitaanermut Pisorta qarfik ilinniarfissuarmi misilitsittarnerit ingerlanneqartarnerat pillugu malittarisassiorsinnaavoq.

§ 55. Ilinniartitaanermut rektorip misilitsittoq misilitsinnermit peeqqusinnaavaa:

- 1) Soraarummeertoq taamaalioqqusaanani allanit ikiorneqarsimappat, iluaqusersuutini akuerisaanngitsunik atuisimappat imaluunniit allap suliaa nammineq suliarinerarpagu.
- 2) Soraarummeertoq taamaalioqqusaanani misilitsinnermi allanik ikiuisimappat imaluunniit ikiuinialuarsimappat.

Imm. 2. Soraarummeertoq misilitsinnermit peersinneqarpat unioqqutitsinerup annertussusia eqqarsaatigalugu rektorip pineqartoq ilinniarnernit peersissinnaavaa.

Kapitali 5.

Angusissagaanni tunngavissat

§ 56. Ilinniartitsisutu angusisinaanermut piumasarineqarput:

- 1) karakterit tamarmik katinnerat karakterit amerlassusiisa 6-imik amerlisarneqarlutik inernerattut angissuseqassasoq imaluunniit annerussasoq,
- 2) atuartitsissutini annerusumik sammisani aammalu atuartitsissutini perorsaanermut tunngasuni kiisalu immikkut sammisani soraarummeernermi karakteri minnerpaamik 6-iussasoq,
- 3) atuartitsissutini allani tamani karakteri minnerpaamik 5-iussasoq, taamaattorli atuartitsissummi ataatsimi karakterigineqarsinnaavoq 03, aamma
- 4) atuartitsissut "akuerineqarpoq"-mik imaluunniit "akuerineqanngilaq"-mik nalinerneqartoq angusineruvoq.

Imm. 2. Atuartitsissutini neqeroorutaasuni karakterit, takuuk § 43, imm. 1-imi pineqanngillat.

Kapitali 6.

Allattuiffiit aamma inaarutaasumik soraarummeernerup allagartaa

§ 57. Rektori allattaavissuarnik allattuisassaaq, tassungalu ilinniartut tamarmik allattorneqarfeqassapput.

Allattorneqarfimmut allanneqartassapput ilinniartitsisunngorniartuq pillugu inummut paasissutissat, atuartitsissutini toqqartuisimanera, uppersarsarlugit atsiukkat, peqataasinnaajunnaarsitsinerit nalunaarullu manna tunngavigalugu allaasunik iliuuseqarnerit, suliffimmik misiliinerni, atuartitsissutini pinngortitalerinnermut tunngasuni aamma mernguernartut 1-imi naliliinerit, kiisalu misilitsinnermi angusarisimasallu pillugit karakterit.

Imm. 2. Ilinniartitaanermut Pisortaqarfik allattuiffiit qanoq iluseqarnissaannut aalajangersaasinnaavoq.

§ 58. Ilinniartitsisunngorniartut ilinniartitsisutut soraarummeernermi angusisimasut tamatumunnga uppersarsaammik tunineqassapput. Uppersarsaat inummut ataatsimut tunngasunik oqaasertaqarpoq aammalu tamanut tunngasunik assigiinnik oqaasertaqarluni.

Imm. 2. Inummut ataatsimut tunngasunik oqaasertatigut ilisimatitsissutigineqassapput

- 1) ilinniartitsisunngorniartuq pillugu inummut paasissutissat aamma ulloq ilinniarnernup naammassiffia,
- 2) suliffimmik misiliinermi nalilerneqarneq,
- 3) atuartitsissutit annerusumik sammisassat aammalu atuartitsissutit toqqagassat suut ilinniartitsisunngorniartup sammisimanerai kiisalu atuartitsissutini ataasiakkaani tamani naliliineq § 56 malillugu ilanngullugu naatsorsuutigineqartoq,
- 4) § 7 naapertorlugu atuartitsissutitut peqataasinnaajunnaarsimasinnaaneq,
- 5) tapertaasumik pikkorissarnerni peqataaneq, ilinniartitsisunngorniartuq nalilerneqarsimappat "akuerineqarpoq"-mik, nal. akunneri atuartitsiviusut qassiuneri nalunaarlugit, aamma
- 6) atuartitsissutini neqeroorutigineqarsinnaasuni peqataaneq, ilinniartitsisunngorniartuq nalilerneqarsimappat "akuerineqarpoq"-mik, nal. akunneri atuartitsiviusut qassiuneri nalunaarlugit.

Imm. 3. Tamanut tunngasunik oqaasertani allassimassapput nalunaarummi matumani §§-1-imi 5-imi aamma 56-imi oqaasertaliussat.

Imm. 4. Soraarummeersimanermut uppersarsaat rektorimit suliarineqassaaq ilinniartitsisun-ngorniartup

allattorneqarfigisimasaa najoqqutaralugu. Rektorip uppernarsaat atsiussavaa.

Imm. 5. Ilinniartup ilinniarnini naammassinagu ilinniarunnaartup qinnuteqarnermigut misilitsinnernut angusiffigisaminut suliamillu misiliinerminut angusiffigisaminut kiisalu atuartsissutitut angusanik naliliinermik naggaserneqartunut allagartat uppernarsaatit pissarsiarisinnaavai.

Imm. 6. Ilinniartitaanermut Pisortaqarfik inaarutaasumik soraarummeersimanerup allagartaata qanoq isikkoqarnissaa pillugu maleruagassiorsinnaavoq.

Kapitali 7.

Atuutilerfia ikaarsaariarnermilu aalajangersakkat

§ 59. Nalunaarut atuutilerpoq ulloq 24.april 2003. Tamatuma peqatigisaanik atorunnaarput:

- 1) Meeqqat atuarfianni ilinniartitsisussat illoqarfiit ilaanni (qitiusup avataani) ilinniartitaanerat pillugu Namminersornerullutik Oqartussat nalunaarutaat nr. 37 28. august 1990-imeersoq,
- 2) Ilinniartitsisussanik ilinniartitsinermi fagit pillugit Namminersornerullutik Oqartussat nalunaarutaat nr. 38 28. august 1990-imeersoq, kiisalu
- 3) Ilinniartitsisussanik ilinniartitsineq katersuutsitaq pillugu Namminersornerullutik Oqartussat nalunaarutaanni nr. 19-imi 31. juli 2000-imeersumi kapitali 6.

Namminersornerullutik Oqartussat, ulloq 24. april 2003.

Arkalo Abelsen

/

Lise Lennert Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

